

Predstavnički dom Parlamenta Federacije BiH će raspravljati o ključnim reformskim zakonima za ulazak u EU

Predstavnički dom Parlamenta Federacije BiH sutra počinje dvodnevnu sjednicu na kojoj mora u potpunosti uskladiti predloženi Zakon o RTV Federacije sa Zakonom o javnom RTV sistemu, koji je Parlamentarna skupština BiH usvojila 5. listopada 2005. godine. Ovo je ključni uvjet ako BiH želi da učini dalje pomake u procesu pregovaranja o Sporazumu o stabilizaciji i pridruživanju. Bosna i Hercegovina i njeni entiteti moraju ispuniti uvjete za Sporazum o stabilizaciji i pridruživanju. Ovi uvjeti obuhvataju neposredno usvajanje usklađenih zakona o javnom emitiranju na entitetskom nivou.

Reforma u oblasti javnog emitiranja obuhvata sistematsku reformu javnog RTV sistema na državnom i entitetskom nivou. Proces stabilizacije i pridruživanja zahtijeva uređivački neovisan i finansijski održiv javni RTV sustav koji ispunjava programske potrebe svih građana Bosne i Hercegovine.

Zakon, koji je odobrila Europska komisija i koji je usvojila Parlamentarna skupština BiH, utvrđuje jedinstven međusobno ovisan sustav. On se sastoji od emitera na državnom nivou, BHRT, dva entitetska emitera, RTF BiH i RTRS, i Korporacije koja je, između ostalog, odgovorna za upravljanje imovinom, te tehničkim i kadrovskim resursima tri emitera.

Ako se želi da ovaj sustav postane operativan, onda se na entitetskom nivou moraju usvojiti usklađeni zakoni. Bez ovoga se neće ispuniti uvjet za proces stabilizacije i

pridruživanja.

Zakon o javnom emitiranju se sada nalazi na razmatranju na Ustavnom sudu. To je zatražio predsjedavajući Predsjedništva Jović. Na Ustavnom sudu je da donese odluku o ovom pitanju bez ikakvog uplitanja. Međutim, važno je naglasiti da se ovaj uvjet za proces stabilizacije i pridruživanja neće promijeniti. Bez obzira kakva bude odluka Ustavnog suda, još uvijek će biti neophodno donijeti usklađene zakone kako bi se ispunio uvjet za proces stabilizacije i pridruživanja. Amandmani se mogu donijeti kasnije ako tako bude traženo odlukom Ustavnog suda.

Predstavnički dom Parlamenta Federacije BiH će na sutrašnjoj sjednici također razmatrati prijedlog entitetskih zakona o prekršajima i prekršajnim sudovima. Ovim zakonima se uvode novi postupci kako bi se povećala efikasnost u rješavanju prekršajnih predmeta. Ove zakone su podržali predsjednici entitetskih udruga sudija za prekršaje i Vijeće Europe.

Restrukturiranje u oblasti prekršaja će inkorporirati prekršajne sudove kao odjeljenja za prekršaje u postojećim općinskim i osnovnim sudovima. Visoko sudsko i tužilačko vijeće tada može otpočeti proces ponovnog imenovanja sudija koji se bave prekršajima.

Reforma zakona o prekršajima je sastavni i značajan element u opsežnom programu pravosudne reforme u Bosni i Hercegovini. Donošenje ovih zakona je od ključne važnosti za interese građana Bosne i Hercegovine.